



說文解字第七

義證第二十三

曲阜桂馥學



覆也从一下𠂔也凡𠂔之屬皆從𠂔

莫狄切

覆也者李善注顏延年詩引同本書數從此云𠂔尚

矇也矇當為冢冢覆也从一下𠂔也者文字音義

𠂔以巾覆物从一下垂



簪也所以簪髮弁冕之總名也从𠂔从元元亦聲

冠有法制从寸

古丸切

月令章句冠首飾也 夏官敘官弁師注云委貌緇布
曰冠 三禮圖緇布冠始冠之冠也 太古冠布齊則緇
之今武冠則其遺象也 太古未有絲繒始用麻布耳
董巴輿服志上古穴居野處衣毛而冒皮後代聖人易
之見鳥獸有冠角頓胡之制遂作冠冕纓綉

髻也所以髻髮也者冠髻聲相近本書紘冠卷也卷
當為髻白虎通弁之為言攀持髮也 弁冕之總名
也者急就篇冠幘簪黃結髮紐顏注冠者冕之總名

備首飾也 從元、亦聲者當為元聲冠禮祝辭始
加元服李尤冠幘銘冠為元服 冠有法制從寸者
本書耐下云諸法度字從寸耐繇子天子玄冠玄纓
諸侯素冠素纓大夫以下練冠練纓

𠄎

積也從冂從取、亦聲

寸句切

經典通作聚釋詁擘歛屈收戢蒐哀鳩棲聚也論語聚
歛而附益之大學財聚則民散

積也者最通作最管子禁藏篇冬收五藏最萬物注

最聚也 取亦聲者當為取聲

𠄎

奠爵酒也從冂託聲周書王三宿三祭三託當故切

周書曰王三宿三祭三託者顧命文彼作𠄎傳云王三進爵三祭酒三奠爵釋文云𠄎說文作託丁故反奠爵也馬作託與說文音義同

文四

冂

重覆也從冂一凡冂之屬皆從冂讀若草莓之莓

莫保切

重覆也者冂又加一故曰重也釋言弁同也馥謂同

當為冂字之誤也通作冒易繫辭冒天下之𠄎道韓注

冒覆也書君奭丕冒海隅出日傳訓覆冒書康誥我

西土惟時怙冒傳云冒被四表釋文云冒覆也馥案

冒被即覆被 讀若草莓之莓者當云莓草之莓

冂

合會也從冂從口徒紅切

合會也者易同人天與火同人君子以類族辨物詩

小雅會同有繹又獸之所同傳云同猶聚也春官大

宗伯時見曰會殺見曰同襄二十九年左傳奔同即
異是謂離德鄭注堯典稽同也先鄭注周禮小宰職
稽合也

青

幘帳之象從日出其飾也

苦江切

幘帳之象者六書正譌幘帳猶旗之象：形俗作幘
非釋名幘容也施之車蓋童：然以隱蔽形容也集
韻潼容車幘帷也本書幘帳極也 出其飾也本者
書陔下云爻垂飾柔爻無飾義蓋謂中也與出相似

冡

覆也從冡

莫紅切

覆也者冡通作蒙釋言蒙奄也郭云奄：覆也小尔

雅廣詁蒙覆也 方言蒙覆也詩君子偕老蒙彼綢緜

傳云蒙覆也僖二十八年左傳胥臣蒙馬一以虎皮襄

十年傳狄虎弥建大車之輪而蒙之以甲注云蒙覆

也昭十三年傳晉人執李孫意如以幕蒙之定六年

傳今將以小忽蒙舊德杜云蒙覆也哀三年傳蒙葺

公屋注云以濡物冒覆公屋楚語今子聞而棄之猶

蒙耳也韋云蒙覆也漢書衛綰傳郎官有謹常蒙其罪顏注蒙謂覆蔽之

文四

𦉳

小兒蠻夷頭衣也從冂二其飾也凡冂之屬皆從

冂莫報切

小兒蠻夷頭衣也者徐鍇本小兒下有及字通鑑注

引作小兒蠻夷蒙頭衣玉篇帽小兒頭衣本作冂蒙

字記哀牢邑豪歲輸布貫頭衣二領以為常賦通作

帽風土記臘日村人擊細腰鼓戴胡頭帽

𦉳

大夫以上冠也遠延旅塗純纊從冂免聲古者黃

帝初作冕亡辨切

本書縹冕也克冕也釋名祭服冕、猶俛也俛平直

兒也亦言文也玄上纁下前後垂珠有文飾也書太

甲伊尹以冕服奉鬯王歸於亳傳云冕冠也論語麻

冕孔安國曰冕緇布冠也古者績麻三十升布以為之

皇氏曰周禮有六冕以平板為主而用三十升麻布衣

縹冕即冕字

板正玄下纁

昭元年左傳吾與子弁冕端委注云弁

冕冠也 明堂位冕而舞大武注云冕冠名也 後漢

書班固傳蔽冕所興注云蒼頡篇曰冕冠也 三禮圖

冕以三十升布漆而為之廣八寸長尺六寸前圓後方

前下後高有佻伏之形故謂之冕欲人之位弥高而志

弥下故以名焉 五經通義冕制奈何禮器曰冕冠長

六寸廣八寸員前冕緇布在上五采組十二旒夏殷之

冕如周制矣其旒色異夏冕黑白赤組旒殷冕異黃青

組旒 擊虞決疑要注秦除六冕之制漢明帝永平中

使諸儒案古文始復造衮冕

大夫以上冠者也周禮弁師掌王之五冕皆玄冕朱

裏延紐五采繅十有二就皆五采玉十有二玉笄朱

紘諸侯之繅存九就璿玉三采其餘如玉之事繅存

皆就玉璜玉笄玉之皮弁會五采玉璫象邸玉笄玉

之弁經弁而加環經諸侯及孤卿大夫之冕韋弁皮

弁、經各以其等為之而掌其禁令桓二年左傳衮

冕黻珽杜云冕冠也正義云阮譔三禮圖漢禮器制度云冕制皆長尺六寸廣八寸天下以下皆同沈引董巴輿服志云廣七寸長尺二寸應劭漢官儀云廣七寸長八寸沈又云廣八寸長尺六寸者天子之冕夫之冕獨斷明帝採尚書臯繇及周官禮記以定冕制皆廣七寸長尺二寸系白珠子其端十二旒三公及諸侯九旒卿七旒 遠延歟塗純續者徐鍇本作

續純本書塗垂玉也冕飾純冕冠塞耳者桓二年左傳衡純紘紕杜云純冕之垂者紘纓从下而上者紕冠上覆夏官弁師以五采繅繩貫五采玉垂於延前後謂之遠延魯語加之以紘紕韋昭曰紕冕上之覆也詩葛覃傳公侯夫人紘紕釋文云紕音延冕上覆也白虎通冕所以前後遠延者何示進賢退不能也垂旒者示不見邪續塞耳示不能諉漢官儀周冕與古冕畧等周加垂旒天子前後垂真白珠各十二

古者黃帝初作冕者北堂書鈔引世本黃帝作旒冕
宋均曰冕冠之有瑩者應劭云周始垂旒也三禮圖
黃帝戴黃冕通典黃帝作冕垂旒目不邪視也充續
示不聽諛言也事見世本

冕

冕或從糸

大戴禮古者純而前旒所以蔽明也

冑

冑盩也从冑由聲直又切

僖二十二年穀梁傳古者被甲嬰冑非以興國也則以

征無道也

韓策被甲冑冑周遷輿服雜事蜀隊戴貝

冑被犀甲比古制也詩云貝冑朱綬謂以貝齒飾冑朱
綬綴之也冑插以翟尾垂以紅絮朱綬之象也

兜盩也者左傳正義引作兜盩首鎧也案與本書兜
下訓同一切經音義廣雅冑兜盩也中國行此音亦
言鞬盩江南行此音馥案韓策甲冑鞬盩鮑云盩兜
盩漢書韓延壽傳被甲鞬鞬居馬上顏注鞬鞬即兜
盩也急就篇弓弩箭矢鎧兜鉞顏注兜鉞首甲也古

說文解字義證 卷二十三
為之胄書說命惟甲胄起戎傳胄兜鍪也費誓善穀
乃甲胄傳云胄兜鍪正義云經典皆言甲胄秦世以
來始有鎧兜鍪之文古之作甲用皮秦漢以來用鐵
鎧鍪二字皆從金蓋用鐵為之而因以作名也僖二
十二年左傳獲公胄縣諸魚門杜云胄兜鍪正義云
書傳皆云胄無兜鍪之文言兜鍪舉今以曉古蓋秦
漢以來語僖三十三年傳左右免胄而下注云胄兜
鍪韋注國語同曲禮獻甲者執胄儒行儒有忠信以

為甲胄少儀袒橐奉胄注並云胄兜鍪也楚詞九歎
韓信蒙於甲胄兮注云胄兜鍪也史記韓非傳急則
用介胄之士正義云胄兜鍪也漢書王莽傳甲胄一
具顏注胄兜鍪文選吳都賦貝胄象珥五臣云胄兜
鍪也庾翼與燕王書今致襦鎧一領兜鍪副

車

司馬法胄從革

徐鍇韻譜作車一切經音義引字林鞬兜鍪也荀子議
兵篇冠鞬帶劍太元及矛鞬周遷與服雜事刺校首戴

虎皮冑傳曰蒙舉貌以祀陳蔡因是有虎皮冑焉

冑

冑而前也從冑從目

莫報切

本書覓突前也士喪禮冑緇質長與手齊殺掩足

注云冑緇尸者制如直囊上曰質下曰殺質正也其用

之先以殺緇足而上後以質踏手而下齊手喪大記曰

君綿冑黼殺綴旁七大夫玄冑黼殺綴旁五士緇冑殺

殺綴旁三

冑而前也者一切經音義冑覆也蒙也廣韻冑覆也

廣雅冑覆也小爾雅廣註冑覆也詩日月下土是冑

傳云冑覆也山海經河水冑以西流注云冑猶覆也

漢書周勃傳太后以冑絮提文帝顏注冑覆也人所

以冑其頭玉商傳水猶不冑城郭顏注冑蒙覆也釋

器麋器謂之冑郭云冑其頭也釋文云冑本或作茅

又音蒙馥謂冑即冑字書洪範曰蒙恒風若鄭注蒙

見冑亂也本書作冑俗作冑荀子禮論篇薦器則冠

有蓋而毋縱注云蓋冠捲如兜蓋也蓋之言蒙也冑

也所以冒首夏官方相氏掌蒙熊皮注云蒙冒也考
工記鞞人凡冒鼓必以啟蟄之日注云冒蒙鼓以草
成二年左傳狄卒皆抽戈猶冒之襄十四年傳蒙荆
棘以來歸我先君注云蒙冒也襄二十六年傳楚王
足故昧於一來注云昧从貪冒六韜勇力冒將之士
疾擊其前楚策麋知獵者張罔前而驅已也因還走
而冒人鮑云犯人而來呂氏春秋知接篇蒙衣袂而
絕平壽宮注云蒙冒也以衣覆面而絕淮南主術訓

萬人蒙之而不褊高云蒙冒也漢書宣帝紀雖有患
禍猶蒙死而存之顏注蒙冒也賈山傳忠臣之所以
蒙死而竭知也顏注蒙冒犯也灌夫傳故蒙灌氏姓
為灌孟顏注蒙冒也東方朔傳故伊尹蒙恥顏注蒙
冒也王羲之誓墓文貪冒苟進宋書王懿傳桓元蒙
冒夜出入陳書侯瑱傳又以牛皮冒蒙衝小船以觸
賊艦通鑑荀彧曰自天子蒙塵注云蒙冒也又高歡
使軍士皆張弓注矢舉刀按稍夾道羅列命杜弼冒

出其間



古文冒

趙宦光曰从囙誤當从古文目字作囙馥案本書媚相視也通作貿檀弓蒙袂輯屨貿然來注云貿目不明之貌



犯而取也從冫從取

祖外切

犯而取也者徐鍇本作犯取又曰會本書聚會也最聚也隱元年公羊傳會猶最也注云最聚也最之為

言聚今聚民曰投最樂記竹聲濫以立會以聚

衆注云聚為最史記毅本紀大最樂戲於沙丘徐廣曰最一作聚通作撮釋名撮卒也謂暫卒取之也

文五 重三



再也从冫關易參天兩地凡兩之屬皆从兩

良獎切

再也者兩通作兩廣雅兩二也易太極生兩儀又云兼三才而兩之天官太宰以九兩繫邦國之民注云兩猶耦也易曰參天兩地者說卦傳文彼作兩

兩

二十四銖為一兩從一兩平分兩亦聲

良獎切

當作兩中一不出門半兩錢可證

二十四銖為一兩者淮南天文訓十二粟而當一分
 十二分而當一銖十二銖而當半兩衡有左右因倍
 之故二十四銖為一兩說苑度量權衡以黍生之十
 六黍為一豆六豆為一銖二十四銖為一兩漢書律
 歷志一龠重十二銖兩之為兩又云兩者兩黃鐘律
 之重也二十四銖而成兩者二十四氣之象也李奇

曰黃鐘之管重十二銖兩十二得二十四也陳無擇

曰二十四銖為兩每兩古文六銖錢四箇開元錢三
 箇至趙宋廣科以開元錢十箇為兩今之三兩得漢

唐十兩明矣千金本草皆以古三兩為今一兩

平

平也从廿五行之數二十分為一辰兩兩平也讀

若蠻

無官切

平也者本書瞞从兩云平目也 從廿五行之數二
 十分為一辰兩兩平也者集韻五行數廿為一辰有

四滿平故從廿从兩史記日者傳孝武明聚會占家
有五行堪輿建除淮南天文訓寅為建卯為除辰為
滿巳為平壬生午為定未為執主陷申為破主衡酉
為危主杓戌為成主少德亥為收主大德子為開主
太歲丑為閉主太陰容齋續筆建除十二辰史漢歷
書皆不載日者列傳但有建除家以為不吉一句惟
淮南天文訓云今會元官歷每月逢建平破收日
皆不用以建為月陽破為月對平收隨陰

為魁罡也酉陽雜俎夢篇云周禮日月星辰各占六
夢謂日有甲乙月有建破今注無此語正義曰按堪
輿黃帝問天老事四月陽建於巳破於亥陰建於未
破於癸是為陽破陰破陽今不知何書所載但又
以十干為破未之前聞也漢書王莽傳以戌辰直豎
注云以建除之次其日當定又云十一月壬子直建
冬至注云其日當建齊民要術雜陰陽書曰凡種五
穀用戌收滿平定日為佳馥彙歷書以建除滿平定

執破危成收開閉十二日周而復始觀所值以定吉
凶每月交節則疊兩值其法從月建工起建與斗杓
所指相應如正月建寅則寅日起建順行十二辰是
也又如正月甲子朔其日為開五日戊辰為滿六日
己未為平至十七日庚辰為滿十八日辛巳為平故
曰罔滿平也辰當為譽大宗伯疏云二十八星而有
七不當日命之會馥疑七為十除十星不會餘十八
星一星二十日正合三百六十滿歲之數

文三

XX

危犧所結繩以漁从門下象罔交文凡罔之屬皆

從罔
文紡切

夢英千字文罔談彼短篆作罔 世本危犧臣世作罔
抱朴子太昊師蜘蛛而罔之 夏小正十有二月虞
人入梁傳云虞人官也梁者主設罟罟者也 淮南繆
稱訓譬若設網者引其網而萬目開矣 史記殷本紀
湯出見野張網四面祝曰自天下四方皆入吾網湯曰


嘻盡之矣乃去其三面祝曰欲左、欲右、不用命、乃入吾網

庖羲氏所結繩以漁者御覽引作以田以漁易繫辭古者庖犧氏之王天下也作結繩而為罟罟以佃以漁釋文云黃云取獸曰罔取魚曰罟古史考庖羲作卦觀象而作網初學記網罟者結繩以為之 下象罔交文者易繫辭傳以制器者尚其象荀爽注結繩為罔罟蓋取諸離此類是也監鐵論少目之網不可


以得魚

 罔或從匕

 罔或從糸

 古文罔

 籀文罔

 罟也從罔奄聲 於業切

罟也者玉篇罟罟也以網魚也初學記罟網罟也廣韻罟鳥網風土記罟如網從而山上掩而取者也



𦉳 𦉳也從𦉳干聲

呼早切

𦉳也者廣雅畢率也後漢書馬融傳畢罔合部注云
畢網也史記天官書畢曰畢車主弋獵宋書禮志徐
廣車服注以為九游、車九乘雲畢疑是畢畢詩叙
曰齊侯田獵畢之百姓苦之畢畢本施游獵遂為行
飾乎潘岳藉田賦先叙五路九旂次言瓊斂雲畢若
畢為旗則岳不應頌句於九旗之下又以其物匹斂
戰宜是今畢網明矣此說為得之

𦉳 𦉳也從𦉳𦉳亦聲一曰縮也 古眩切

𦉳也者聲類羅以繩系取獸也子華子陸有羅置水
有網罟而飛羽伏麟無以幸其生矣戰國策人有置
係蹄者而得虎、怒跌蹠而去延叔堅注云係蹄獸
絆也馥謂緣即系蹄通作緣呂氏春秋縲網置罟不
敢出於門或作罟上林賦罟罟襄西京賦但觀置羅
之所罟結葺綜注罟縻也五臣注罟絆太元翁次八
揮其罟絕其罟魏畧郝昭以繩繫石磨罟衝車晉書

載記呂光傳以草索為羈策馬擲人多有中者又作
 胃字書以繩取物曰胃莊子外物篇兔者所以在蹄
 釋文云蹄兔羝也係其脚故曰蹄也韻集施胃於道
 曰羝今田獵施弦以張鳥獸其形似弓者也三蒼胃
 古文作羝謂取獸繩也廣雅牙器兔器也其胃謂之
 羝馥素初學記螿者以綸為之孟子又從而招之趙
 注招胃孫爽音義胃謂羈其足也鮑照蕪城賦荒葛
 胃塗通鑑盧搗拂衣起袂胃硯墮地破之注云胃繫

取也挂也又云劉桃枝以弓弦胃斛律光頸拉而殺
 之通作絹秋官冥氏掌設弧張注云弧張量弓之屬
 所以局絹禽獸是氏注置其所食之物於絹中鳥來
 下則拈其足漢書揚雄傳絹噪陽後漢書馬融廣成
 頌絹猓踈注云絹繫也 羝亦聲者當為羝聲 一
 曰羝也者本書羝絹也絹當為羝

𦉰

四也從四每聲 莫枯切

四也者玉篇羝網也廣韻同

𦉳

𦉳 四也從四異聲思沈切

四也者廣韻異胃獸足網容齋隨筆鹿行草莽中畏人見其迹但循一徑無問遠近也村民結繩為線置其所行處鹿足一跬則懸於枝上乃生獲之

𦉳

此字宜至此

周書曰不卯不蹊以成鳥獸異者羆獸足也故

𦉳

或從足

逸周書曰不卯不蹊以成鳥獸者周書文傳解作不羆不卯以成鳥獸之長

𦉳

周行也從四米聲詩曰果入其阻

武移切

周行也者詩釋文引作冒也徐鍇本作周也集韻同廣韻果畧也果入也冒也周行也並音武移切馥謂果果誤分為二 詩曰果入其阻者商頌殿武文彼作采傳云采深也箋云果冒也冒入其險阻馥案戴侗言鄭箋訓冒與說文合是戴所見本作冒也

采

果或從丙

或从丙者徐鍇本作或从容省

罾

捕魚器也從四卓聲

都教切

捕魚器也者初學記罾者編細竹以為之一切經音義捕魚籠曰罾本書籠罾魚者也釋器籠謂之罾郭云捕魚籠也詩南有嘉魚烝然罾罾傳云罾罾籠也文選吳都賦罾兩斡五臣注罾籠也編竹籠魚者也

罾

魚網也从四曾聲

作騰切

魚網也者增韻罾魚網有機者廣雅罾網也初學記罾者樹四木而張網於水車_中輓之上下見風俗通風

車宜作中

土記罾樹四柱而張網於水中如蜘蛛之網方而不

圓楚詞九歌罾何為兮水上注云罾魚網也莊子胠

篋篇鈞餌網罾罾苟之知多則魚亂於水矣釋文云

罾魚網也後漢書馬融傳罾之同曲注云罾魚網也

罾

捕魚竹網從四非秦以罪為臯字

祖賄切

捕魚竹網者徐鍇引詩畏此罪罟又瞻印罪罟不收傳云設罪以為罟秦以罪為臯字者本書臯字云秦以臯字似皇字改為罪

𦉳

魚网也從网厶聲厶猶文銳

魚网也者廣雅爾雅也

𦉳

魚罟也从网瓜聲詩曰施罟濊濊

魚罟也者釋器魚罟謂之罟郭云最大罟也文選吳

都賦同罟共羅五臣云罟魚網也呂氏春秋工農篇

罟罟不敢入於淵高云罟魚罟也或作罟淮南說林

訓釣者靜之罟者扣舟罟者抑之罟者舉之為之罟

得魚一也高云罟者以柴積水中以取魚聞擊舟

聲藏柴下壅而取之也通作孤古文苑蜀都賦枚孤

死兮織繁出注云孤即罟字舟上網也詩曰施罟

濊濊者衛風碩人文傳云罟魚罟釋文云濊濊馬云

大魚網目大濊濊也本書大部引作濊濊水部引作

濊濊

𦉳

网也从网古聲

网也者廣雅爾雅謂之罟魯語里革斷其罟而棄之注

云罟網也淮南說山訓好魚者先具罟與罟詩小明

畏此罪罟傳云罟網也魚麗傳云庶人不數罟必
四寸然後入澤梁子孟數罟不入洿池注云數罟密
網也

罟

曲梁寡婦之笱魚所留也從罟力九

曲梁寡婦之笱魚所留也者罟留聲相近本書笱曲
竹捕魚笱也釋訓凡曲者為罟郭云凡以薄為魚笱
者名為罟釋器嫠婦之笱謂之罟孫炎曰罟曲梁其
功易故謂之寡婦之笱詩魚麗于罟傳云罟曲梁也

寡婦之笱也笱之華三星在罟傳云罟曲梁也寡婦

之笱也詩註古也者獺祭魚然後漁人入澤梁川澤之

利不使人得專之惟寡婦家工所矜閔使得織薄曲
絕水為梁以笱承之以時得魚若遺秉滯穗之意罟
乃曲梁之笱非曲梁也或作罟尔雅釋文罟字書作
罟廣雅四謂之罟 留亦聲者當為留聲

罟

罟或以婁春秋國語曰溝畎罟

春秋國語曰溝畎罟者溝當為講魯語水虞於是乎

講畧畧取名魚韋云講習也畧魚網也畧筍也

𦉳

𦉳 麗魚罟也 从四主聲 之庚切

𦉳 麗魚網也者廣韻𦉳小罟魯語水虞于是乎禁罟

麗注云且當為𦉳文選西京賦布九罟設𦉳麗五臣

注云九罟𦉳麗魚網也

𦉳

𦉳 麗也 从四鹿聲 盧谷切

𦉳

𦉳 積柴水中以聚魚也 从四林聲 所今切

積柴水中以聚魚者古文苑蜀都賦注引同馥案霖

字衆書異形廣雅泔梘也江賦梘澱為泔釋器梘謂

之泔郭云今之作梘者聚積柴木於水中魚得寒入

其裏藏隱因以薄圍捕取之孫炎曰積柴養魚曰梘

釋文梘尔雅舊文并詩傳並米旁作小尔雅木旁作

其文云魚之所息謂之櫓 梘也積柴水中而魚舍

焉郭因改米從木字林作罟山沁反其義同泔郭岑

潛二音詩作潛字小尔雅作櫓字亦音潛又時占反

猶取積柴之義馥案小尔雅鹿之所息謂之潛鹿乃

魚之謠爾雅疏亦引作潛是宋本已不作潛矣詩周
頌潛有多魚傳云潛糝也釋文云糝素感反舊詩傳
及爾雅本並作米旁參小爾雅云魚之所息謂之潛
潛糝也謂積柴水中令魚依之止息因而取之也郭
景純因改爾雅以小爾雅作木旁參霜甚反又疏麇
反又心廩反字林作霖音山心反義同陸龜蒙糝詩
斬木置水中枝條互相蔽寒魚遂家此自以為生計
春冰忽融必盡取無遺喬所託成禍機臨川一凝睇

韓詩章句洿滂魚池也覆案太平御覽引爾雅作糝
引捷為舍人曰以米投水中養魚為糝也此即韓詩
魚池之說

𩺰

釣也從罔民聲

武巾切

釣也者御覽引作𩺰也釋器絜罟謂之罟釋文云罟
本或作罟釣也文選七命尔乃布飛罟張修罟李善云
廣雅罟罟罟也劉玄吳都賦注罟罟網也張氏之意
蓋同劉覆案鄭注禹貢云罟罟者羈縻其人耳故云罟

說文解字義證 卷之三 羅

羅

以絲罟鳥也從四從維古者芒氏初作羅魯何切

以絲罟鳥也者釋器鳥罟謂之羅郭云謂羅絡之詩
兔爰雉羅於羅傳云鳥網為羅周禮羅氏注云能以
羅網搏鳥者郊特牲曰大羅氏天子之掌鳥獸者月
令羅網畢翳注云鳥罟曰羅網魯語獸虞於是乎禁
罟羅韋云罟兔罟羅鳥罟也高注呂氏春秋云羅鳥
網也又注淮南時則訓云羅罟皆捕鳥之網鷓冠子

世兵篇一目之羅不可以得雀文子有鳥將來張羅
而得鳥者羅之一目也今為一目之羅即無時得鳥
易林羅張目列圍合有缺採捕無功魚鳥得脫 古
者芒氏初作羅者世本庖羲臣芒作羅網

罟

捕鳥覆車也從四殺聲陟考切

捕鳥覆車也者本書讀若捕鳥罟釋器罟謂之罟
罟覆車也郭云今之翻車也有兩轆中施罟以捕鳥

輶

罟或從車

本書車部有輟字

罟

罟也從四童聲

尺容切

罟也者釋器繫謂之罟、罟也詩免爰雉離於罟傳云罟罟也韓詩施羅於車上曰罟法言淵騫篇杭辭免罟幾矣注云鳥罟謂之罟通作幢後漢書班固傳撫鴻幢注云本或作罟、鳥網也韻彙文選作罟五臣注云罟網

罟

覆車也從四包聲詩曰雉離於罟

詩牟切

覆車也者釋器罟覆車也後漢書馬融傳罟置羅罟注云罟雉網也宋書袁淑傳如有決罟漏網遂窠逗穴詩曰雉離于罟者王風兔爰文彼作罟傳云罟覆車也

罟

罟或從孚

罟

捕鳥網也從四取聲

於位切

魚豢典略古者兵獄官皆以尉為稱尉罟也言兵獄羅罟奸非鹽鐵論弋者觀鳥獸挂網羅而喜也

捕魚鳥也者詩麗魚正義引同又云罽是羅之別名

蓋其細密者也王制鳩化為鷹然後設罽羅注云罽

小網也楚詞九歌章罽羅張而在下注云罽羅鳥網也

罽

罽罽也從罽否聲

縛車切

罽罽也者史記正義引同後漢書注引作罽網也復

古編作罽罽也或作罽呂氏春秋三月紀罽罽羅網

注云罽射鹿罽也史記司馬相如傳罽罽山郭璞

曰罽罽也正義曰今幡車罽也漢書司馬相如傳罽

罽彌山顏注罽覆車也即今幡車罽也後漢書班固

傳罽罽連絃籠山絡野注引鄭注禮記獸罽曰罽

罽

罽罽也从罽互聲

胡誤切

罽也者廣韻罽罽網廣雅罽罽罽也罽即罽俗書

互作禾誤為牙

罽

罽罽也從罽且聲

子邪切

罽罽也者一切經音義罽網曰罽、遮也遮取罽也

釋罽罽罽謂之罽郭云罽猶遮也詩肅、罽罽傳云

兔罝兔罟也月令田獵罝罟注云獸罟曰罝罟兔罝谷
 子反應篇其張罝網而取獸也多張其會而司之呂
 氏春秋工農篇緣網罝罟不敢出於門注云罝獸罟
 也淮南時則訓罝罟注云罝罟皆捕獸之罟漢書貨
 殖傳豺獮未祭罝網不布於墜澤顏注罝兔網也後
 漢書矯慎傳以免罝為事注云罝兔網也馬融傳罝
 罝羅罝注云罝兔罟也夏侯湛獵兔賦留罝挂於重
 林疏罝結於通數

罝

罝或從糸

罝

籀文從彡

罝籀文作罝此文罝中缺橫畫

罝

罝中罝也從罝舞聲文甫切

罝中罝也者徐鍇曰罝所謂罝軒也或作罝玉篇罝

罝也

罝

罝部署有所罝屬從罝者聲常恕切

部署有所罝屬者六書故云魯語曰文父欲弛孟文

子之宅對曰署位之表也。有司來命，易臣之署不敢問命。署从网，盖网之在網，各有部属，因以為位署也。一切經音義云：署位也，謂署置之處，敬也。國語：大位政之建也。署位之表也，謂表識也。署所以朝夕度君命也。字从网者，聲廣韻：署書也。廨署，部署也。吳都賦：廨署，幕布。漢書：項籍傳，部署豪傑。顏注：分部而署置之。

𠄎

遣有臯也。从网，能言有賢能而入网，而賞遣之。周

禮曰：議能之辟。

薄蟹切

遣有臯也者，本書遣縱也。通鑑論殺楊惲曰：周官司寇之法，有議賢議能。若廣漢延壽之治民，可不謂能乎？寬饒惲之剛直，可不謂賢乎？然則雖有死罪，猶將宥之，况罪不足以死乎？從网，能者，本書能獸堅中，故稱賢能而彊壯稱能傑也。周禮曰：議能之辟者，秋官小司寇以八辟麗邦法，附刑罰。三曰：議賢之辟。四曰：議能之辟。鄭注：賢謂有德行者，能謂有道藝者。

先鄭云若今時庶吏有罪先請是也

置

赦也从四直

陟吏切

五篇有古文作置

赦也者本書赦置也措置也案漢書文帝紀幾於刑

措注云民不犯法無所刑也廣雅縱置也論語隱居

放言何晏注放置也漢書朱博傳常刑不舍馥謂舍

亦置也從四直者徐鍇本作直聲錯以為直非聲

本書因削聲字非是

罍

覆也从四音聲

烏感切

覆也者集韻罍罍覆也廣雅罍罍魚網

詈

罵也从四言四鼻人

力智切

罵也者一切經音義引蒼頡篇同廣雅亦同釋名詈

歷也以惡言相弥歷也亦言離也以此杜離之也詩

柔柔覆背善詈秦策乃使勇士往詈齊王高云詈罵

也山海經山膏善詈注云好罵人四鼻人者疑有

闕誤本書蜀去鼻之小者未以力有所賦但持力罵

詈則應罰



詈也从四馬聲

莫駕切

詈也者蒼頡篇釋名罵迫也以惡言被迫人也



馬絡頭也从四馬聲

居宜切

本書勒馬羈也 廣雅羈勒也 檀弓如皆守社稷則

孰執羈勒而從 晉語從者為羈紕之僕韋云馬曰羈

犬曰紕 魏畧東郡有謠言白馬素羈西南馳 古今

樂錄襄陽銅鞮歌龍馬紫金鞅翠毛白玉羈 七發羈

堅轡 曹植游俠篇白馬飾金羈 孫綽詩野馬閑於

羈 傅元良馬賦飾以金羈 孫惠三馬哀辭序所服

三馬一時離羈 杜夷曰銜羈之馬伏櫪之駒 擊虞

逸驥詩逸驥無鏡轡騰陵從長川剪落就羈勒飛軒躡

雲烟 晉邑有羈馬見春秋文十二年

馬絡頭也者左傳正義引同本書鞞龍頭繞者玉篇

籠馬籠頭急就篇鞞勒鞅鞞鞞羈鞞顏注羈絡頭也

謂勒之無銜者也楚辭余雖好修姱以鞿羈兮王注

馬
孫本作馬

韁在口曰韁絡在頭曰羈馭紫漢書刑法志是猶以
 鞿而御駢突音灼曰鞿古羈字也顏師古曰馬絡頭
 曰羈也馭謂鞿羈不同物音說誤也史記司馬相如
 傳其義羈縻勿絕而已索隱曰紫羈馬絡頭也漢官
 儀云馬云羈牛云縻漢書郊祀志天子猶羈縻不絕
 顏注馬絡頭曰羈也後漢書魯恭傳羈縻不絕而已
 注云字書曰羈馬絡頭也西京雜記武帝時身毒國
 獻連環羈皆以白玉作之瑪瑙石為勒白光琉璃為

流字再考

鞅桓温與慕容皝書自滄流以北幽朔以東將軍皆
 以羈絡而總率之矣古羅浮行黃金絡馬頭謝靈運
 詩金羈相馳逐通鑑杜讓能步追乘輿得馬無羈勒
 解帶繫頭而乘之或作鞿釋名鞿檢也所以檢掎制
 之也列女傳夏桀末喜傳鞿其頭而飲之於酒池
 馬馬絆也者左傳正義引同本書馬絆馬也或作繫
 信二十四年左傳臣負羈綬注云羈馬羈後漢書張
 衡傳羈要裏以服箱文選羈作繫吳時外國傳加營

呈時句再考

國王好馬月支賈人以船載馬售之若於路失羈絆
但將頭皮示王亦售其半價士喪禮組綦繫于踵注
云綦讀如馬絆綦之綦疏云馬有絆名為綦此履綦
亦拘止屨

鞵

鞵或從革

文三十四 重十二

𠂔

覆也从門上下覆之凡西之屬皆从西讀若晉呼訝切

从門上下覆之者五經文字西從門上下相覆之形

𠂔

反覆也从西之聲方勇切

反覆也者徐鍇本無反字韻會同廣雅𠂔覆也陸子

五伯𠂔加六國摧輶顏延之赭白馬賦馬無𠂔駕之

軼禮記正義序𠂔駕之馬設銜策以驅之通作泛漢

書武帝紀夫泛駕之馬顏注泛覆也方音勇反字本

作𠂔後通用耳食貨志大命將泛益康曰泛音方勇

反泛覆也張率舞馬賦不泛駕於金輿通鑑呂后自

起泛帝厄注云泛索隱音捧余據泛駕之泛其義為

覆則音夏亦通

覈

覈也考事西笮邀遮其辭得寔曰覈從西敦𠂔

下革切

寔也考事西笮邀遮其辭得寔曰覈者一切經音義

引作考^寔事也後漢書和帝紀注引同李善注長笛賦

引亦同玉篇覈考寔事徐錯曰寔謂之^考使寔也西

者反覆之也笮迫也邀者要其情也遮者止其詭遁

也所以得寔覈也東觀漢記建武時天下墾田皆不

寔詔下州郡檢覈通作核漢書總核名寔通鑑引荀

悅曰事必核真然後修之注云核與覈同謂精確得
其寔也

覈

覈或从兩

覈

覈也一曰益也从西復聲𠂔

敷救切

易鼎折足覆公餗 詩小明畏此反覆 檀公見若覆

夏屋者矣 成十三年左傳傾覆我國家 潛夫論何

貌惡之如此而覆謂之好也

覈也者詩兩無正覆出為惡柔柔覆俾我悖傳並云

覆反也抑覆謂我僭瞻印女覆奪之箋並云覆猶反也小旻不臧覆用箋云不善者反用之僖三十三年左傳瑕覆于周氏之汪杜云車傾覆池水中僖二十四年傳沐則心覆韋昭云沐則低頭故心反覆也淮南時則訓季孟之月舟牧覆舟五覆五反乃各具於天子注云天子將乘舟而漁故反覆而視之恐有穿漏一曰蓋也者廣韻覆蓋也成二年左傳所蓋多矣杜云蓋覆也易井卦井收勿幕注云幕猶覆也

文四

重一

巾

佩巾也从巾一象系也凡巾之屬皆从巾

居銀切

佩巾也者本書佩下云佩必有巾之謂之飾一象系也者玉篇襟即下系

巾

楚謂大巾曰帟从巾分聲

撫文切

楚謂大巾曰帟者方言大巾謂之帟玉篇帟拭物巾也通作紛郊特牲左佩紛帟注云紛帟拭物之佩巾也今齊人有言紛者

帥

佩巾也。从巾，自聲。所律切

佩巾也者，曹憲文字指歸云：帥，佩巾也。或作悅字，从

巾，今借為將帥字。廣雅：帥巾也。釋名：兌，上小下大，兌

兌然也。或曰：映，折其後也。或曰：憤，形似憤也。賤者

所著曰：兌髮作之，裁裏髮也。或曰：牛心形似之也。馥

謂兌即悅之省文。詩：無感我悅。兮傳云：悅，佩巾也。士

昏禮記：毋施衿結悅。有司徹坐，挽手。注云：挽手者，于

悅，佩巾也。曲禮：尊卑垂悅。注云：悅，佩巾也。內則：女子

設悅於門右。注云：悅，事人之佩巾也。法言：寡見篇又

從而繡其鞶。悅。注云：悅，佩巾也。續漢書：何進袁隗欲

特表陳寔，以不次之在寔，謝曰：久絕人事。帥巾待終

而已。

悅

帥或从兌。又音稅

鞶

禮巾也。从巾，从執。鞶切

文當从臺作鞶。

禮巾也者，廣雅：鞶巾也。

幘

一幅巾也。从巾，友聲。讀若撥。

北末反

本書及讀若絞。馥謂絞當為幘。

一幅巾也者。東觀漢記鮑永幅巾而居。又云江革幅

巾展屣。後漢符融傳融幅巾奮腹談詞如雲。注云幅

巾者以一幅為之也。馮衍傳衍審知更始已沒乃幅

巾降於河內。注云不加冠幘。但以一幅巾飾首而已。

傅子漢末王公多以幅巾為雅。是以袁紹之徒雖為

將帥皆著縑巾。通作鞞。帟。味。方言鞞巾。帟頭也。列子

釋文云鞞音末。帟頭是也。帟頭幘頭也。帟又作味。

巾

枕巾也。从巾，刃聲。而振切

枕巾也者。廣雅。巾也。

般

覆衣大巾。从巾，般聲。或以為首擊。

薄官切

覆衣大巾者。後漢書儒林傳注引無大字。廣雅。帶巾

也。或以為首擊者。文選思立賦注引字林。或以為

首飾。

巾

巾帶也。从巾，如聲。一曰幣巾。

女余切

巾帟也者帟當為絮方言幪巾也焉嶽之南陳頴之
 間謂之帟管寧別傳恒布裳貉裘惟祠著单衣絮巾
 高士傳作帟巾魏畧趙岐著絮巾入市賣餅漢舊儀
 皇后親蠶畝繭織室作祭服其餘間以作巾絮而已
 博物志蜀人以帟巾為帽絮馥案考工記弓人厚其
 帟則木堅鄭司農云帟讀為禰有衣絮之絮史記絳
 侯周勃世家太后以冒絮提文帝集解云應劭曰帟
 額絮也晉灼曰巴蜀異物志謂頭上巾為冒絮通作

絮風俗通以絮幘兩足幘冠之

一曰帟巾者徐鍇

本作一曰帟布是錯曰易需有衣帟又道家黃庭經
 人間紛々臭如帟皆塞漏孔之故帟也故以喻煩臭
 馥案廣韻絮幘巾幘拭脈之布亦故布也

帟

帟也从巾敝聲

此祭切

帟也者廣韻帟帟聘禮記帟美則沒禮注云帟人
 所造成以自覆蔽謂束帟也天官大宰以九式均節
 財用六曰帟帟之式注云帟帟所以贈答賓客者

幅

布帛廣也。从巾畝聲。方六切

布帛廣也者釋天緇廣充幅長尋曰旒方言周官之法度廣為尋幅廣為充詩長發幅隕既長傳云幅廣也正義云幅如布帛之幅故為廣也王制度量數制注云制布帛幅廣狹也又云布帛精粗不中數幅廣狹不中量不粥於市襄二十八年左傳且夫富如布帛之有幅焉為之制度使無遷也淮南天文訓古之為度量輕重生乎天道黃鐘之律修九寸物以三生

三九二十七故幅廣二尺七寸漢書食貨志布帛廣二尺四寸為幅通作輻急就篇資貨市贏匹輻全顏

注兩邊具曰輻

幌

設色之工治絲練者从巾荒聲一曰幌隔呼光切

設色之工治絲練者、幌或从幌考工記幌氏練絲又云設色之工畫績鍾筐幌注云幌讀為芒、禹迹之芒一曰幌隔者玉篇幌幌也隔也廣韻幌蒙掩謂巾幕之屬可以掩覆者通作荒詩閔宮遂荒大東

箋云荒奄也釋言荒奄也郭云奄、覆也既夕禮商
 祝饌柩一池紐前短後緇齊三采注云潛有布帷柳
 有布荒喪大記飾棺君龍帷三池振容黼荒注云荒蒙
 也在旁曰帷在上曰荒皆所以衣柳馥案文選陸機
 挽歌龍幌被廣柳李善云畫龍於幌也被猶衣也

帶

紳也男子鞶革婦人鞶絲象繫佩之形佩必有巾

以巾當蓋切

紳也者本書紳大帶也釋名帶帶也著於衣如物之

繫帶也詩有狐之子無帶傳云帶所以申束衣鴈鳩

其帶伊絲箋云謂大帶也大帶用素絲有雜色飾焉

男子鞶革婦人鞶絲者御覽引作男子鞶帶婦人

絲帶類篇引同本書鞶大帶也易曰或錫之鞶帶男

子帶鞶婦人帶絲內則男鞶革女鞶絲女桓二年左傳

帶裳幅烏杜云帶革帶也正義云玉藻革帶傳二寸

鄭云凡佩繫於革帶白虎通云男子有鞶革者示有

金革之事然則示有革事故用革為帶、為佩也

象繫佩之形者謂卬象形 佩必有巾者本書佩下
云佩必有巾之謂之飾 從巾者徐鍇本作从重巾

字鑑引同

幘

髮有巾曰幘从巾責聲

側草切

言方覆結謂之幘巾或謂之承露或謂之覆髮皆趙魏
之間通語也 李尤冠幘銘幘為首服 漢舊儀幘耳
赤丹紕裏又云凡齋紺幘耕青幘秋軀劉服網幘 獨
斷幘者古之卑賤執事不冠者之所服也考武帝幸館

陶公主家召見董偃傳青構綠幘主贊曰王家庖人
臣偃昧死再拜謁上為之起乃賜衣冠引上殿董仲舒
武帝時人其止雨書曰執事者皆赤幘知者不冠者之
所服也元帝額有壯髮不欲使人見始進幘服之羣臣
皆隨焉然尚無巾如今半幘而已王莽無髮乃施巾故
語曰王莽秃幘施屋 東觀漢記馬援事寡嫂雖在閭
內必幘然後見 猷帝春秋孫堅着赤罽幘 後漢輿
服志古者有冠無幘其戴也加首有頰所以安物故詩

曰有頡者弁此之謂也三代之世法制滋彰下至戰國
文武並用秦雄諸侯乃加其武將首飾為絳帟以表貴
賤其後稍作顏題漢興續其顏却探之施巾連題却
覆之今喪幘是其制也名之曰幘者頭也頭首嚴頭
也至孝文乃高顏題續之為耳崇其中為屋合後施收
上下羣臣貴賤皆服之文者長耳武者短耳稱其冠也
劉盆子傳俠卿為制絳單衣半頭赤幘注云幘巾所
以覆髻也續漢書曰童子幘無屋示未成人也半頭幘

即空頂幘也其上無屋故以為名東宮故事曰太子有
空頂幘一枚即半頭幘之製也魏畧人得崔琰書以
裏幘籠晉公卿禮秩中書監令著介幘宋書禮志

漢注曰冠進賢者宜長耳今介幘也冠惠文者宜短耳
今平巾幘也始時各隨所宜後遂因冠為別介幘服文
吏平上服武官也又有納言幘後收又一重方三寸又
有赤幘騎吏武吏乘輿鼓吹所服趙書徐光奏議以
東耕儀親耕宜改服幘齊書王儉作解散髻斜插簪

南史作解散幘案通鑑注斜插幘簪 隋書崔廓傳蓋
田令得一玉人著大頰衣冠幘詔問羣臣崔蹟答曰謹
案漢文已前未有冠幘即是文帝以來所制作也 崔
元始正論永平中詔令幘工作幘皆二尺五寸圍人頭
各有大小不可同度此詔不可從也 通典尚書幘收
三寸名曰納言示以忠正明近職也迎氣五郊各如其
色從章服也武吏常赤幘成其威也未冠童子幘無屋
者示未成人也未入學小童幘勺卷屋者示尚幼小未

遠冒也喪幘却擻反本礼也 輟耕錄說文髮有巾曰
幘、即巾也又方言覆髻謂之幘漢書卑賤執事不冠
者所服或謂之承露按儀礼士冠庶人巾則古者士以
上有冠無巾幘惟庶人戴之秦謂民為黔首漢謂僕隸
為蒼頭漢書謂卑賤者所服此其證也後世上下通用
之謂之燕巾

髮有巾曰幘者釋名幘蹟也下齊員蹟然也急就篇
冠幘簪黃結髮紐顏注幘者韜髮之巾所以整蹟髮

也常在冠下或但卑之冠幘非一稱也

幘

領端也从巾句聲

相倫切

幘

弘農謂帟帔也从巾皮聲

披義切

弘農謂帟帔也者廣雅帔關東人呼襪顏注急就篇

帟即裳也一名帔一曰襪廣雅帔帟也方言帟陳魏

之間謂之帔自關而東謂之襪

裳

下帟也从巾尚聲

市羊切

下帟也者釋名下曰裳之障也所以自障蔽也詩綠

衣黃裳傳云上曰衣下曰裳有狐之子無裳傳云在

下曰裳斯干載衣之裳傳云裳下之飾也宣十二年

左傳得其甲裳注云下曰裳桓二年傳帶裳幅為注

云衣下曰裳傳元裳銘上衣下裳天地則也服從其

宜君子德也西河記西河無蠶桑婦女著碧纈裙加

細布裳

裳

常或从衣

君

下帟也从巾君聲

渠云切

束背近游賦裙有三条之殺 繁欽定情詩何以合歡

欣絜素三條帛 秦州記婦人着裙制乃三十餘幅

齊民要術序燉煌俗婦女作裙學縮如羊腸用布一匹

皇甫隆禁改之所省不資 汝南先賢傳戴良嫁女綠

帛四等 東宮舊事皇太子納妃有絳紗複裙 車灌

晉修復山陵故事梓宮衣物有紺絳双裙六腰

下常也者急就篇袍襦表裏曲領帛願注帛即裳也

釋名裏下羣也連接裙幅也方言繞衿謂之帛郭注

俗人呼接下江東通言下裳廣雅繞領帛也

羣或从衣

帛也一曰帔也一曰婦人脅衣从巾妾聲讀若末

殺之殺 所八切

羣也者本書禮慢也廣韻禮帛也廣雅慢小兒藉也

又云禮被後褊也玉篇褊小兒衣馥謂慢裏小兒之

帛也 一曰帔也者廣韻慢二幅較一幅巾也 一

曰婦人脅衣者左傳衷其相服解作脅衣字或作袂

隋煬帝詩寶袿楚宮腰盧照鄰詩倡家寶袿蛟龍被
謝偃詩細風吹寶袿古今注謂之腰綵 讀若禾殺
之殺者徐鍇作某袿之袿廣韻袿袿摩也引公羊注
側手曰袿

幘 幘也从中軍聲 古渾切

凡將篇黃潤織美宜制幘 桓階別傳文帝嘗幸其弟
見諸子無幘使黃門賜衣三十襲曰卿見能趨可以幘
矣 宋長沙景王道憐傳暑月露幘工聽事 魏書韓

宣為尚書郎與諸曹受罰殿前皆束縛宣預脫袴纏幘

世說人寧可使婦無幘邪又云韓康伯數歲家酷貧

至大寒止得襦母殺夫人自成之令康伯捉熨斗謂康

伯曰且箸著襦尋作複幘兒云已足不復複幘也母問其

故答曰火在熨斗中而柄熱今既著襦下亦當燠故不

須耳

幘也者五音集韻楚人謂幘曰幘廣韻幘褰衣釋名

禪貫也貫兩脚上繫腰中也急就篇襜褕袷複袴

禪顏注袴之兩股曰襠合襠謂之禪最親身者也廣雅禪禪也方言無祠之袴謂之襠注云袴無跣者即今犢鼻禪也史記司馬相如傳相如身自著犢鼻禪韋昭曰今三尺布作形如犢鼻矣既夕記婦人則設中帶注云中帶若今之禪袴

禪

禪或从衣

幘

幘也从巾息聲一曰幘

職茸切

幘也者廣雅襦幘也方言幘陳楚江淮之間謂之襦

幘

幘或从松

方言作襦又或作松鹽鉄論庶人則毛袴松形

幘

楚謂無緣衣也从巾監聲

魯甘切

楚謂無緣衣也者方言楚謂無緣之衣曰幘本書禮無緣也

幘

幘也从巾冥聲周禮有幘人

莫狄切

幘也者本書巾覆也廣雅幘覆也小尔雅廣服大巾謂之帟公食大夫記盥有蓋帟鄉飲酒記尊綌帟注

云帛覆尊巾士喪禮幙日用緇注云幙目覆面也呂氏春秋貴直論夫差將死曰死者如有知也吾何面見子胥於地下乃為幙以冒面死淮南原道訓舒之幙於六合高注幙覆六合言滿天地間也周禮有幙人者天官冢宰有帛人掌共巾帛祭祀以疏布巾帛八尊以畫布巾帛六彝注云以巾覆物曰帛昊聲者鄭注士喪禮云幙讀若詩曰葛藟之藟今讀莫狄切者猶汨从冥省聲

幙

幕也从巾曼聲莫半切

幕也者廣韻幔帷幔廣雅幔覆也又云帳帳也釋名幔漫也漫、相連較之言也張景陽洛神賦朱幔虹舒翠幔蛺蝶連

幙

幙帳也从巾曷聲直由切

幙帳也者鄴中記夏用丹紗羅或縠文羅為幙帳冬用明光錦以白練為裏名複帳廣雅幙帳也釋訓時謂之帳郭云今江東亦謂帳為幙李陵贈蘇子卿詩

微風動草鴨後漢書馬融傳施蛻騰注云博帳也通
作裊詩小星抱衾與裊箋云裊林帳也抱衾與林帳
待進御之次序

帷

帷也从巾兼聲切

廣

帷也者一切經音義引蒼頡篇幃幃也廣韻幃幃帷
也廣雅幃幃幃也玉篇幃幃也施之戶外也釋名幃
廉也自障蔽為廉恥也急就篇承塵戶幃條續總顏
注戶幃戶上之幃也新序雜事篇君之台觀帷幃錦

繡隨風飄、而弊字或作幃鵠冠子天權篇所謂蔽

者豈必障於帷幃隱於帷薄哉陸佃注細曰幃粗曰

薄又通作簾聲類簾戶蔽也通俗文戶幃曰簾禮緯

天子外屏諸侯內屏大夫以簾士以幃漢書嚴君平

閉肆下簾而授老子崔寔政論文繡弊於簾幃三秦

記桂宮有明光殿皆金玉珠璣為簾箔晉東宮故事

簾箔皆以青布緣純齊書沈麟士居貧織簾誦書號

為織簾先生

帷

在旁曰帷从巾佳聲

有悲切

在旁曰帷者一切經音義引字林同又云謂張帛障
 旁也廣雅帷帳也釋名帷圍也所以自障圍也急就
 篇蒲蒻蘭蓆帳帷幢顏注在旁蔽繞謂之帷者圍
 也詩漸車帷裳正義云以幃障車之旁如裳以為容
 飾周禮巾車皆有容蓋鄭司農云容為幃車山東謂
 之幃裳幕人掌帷幕帳帟綬之事注云在旁曰帷在
 上曰幕之或在地展陳於上帷幕皆以布為之三禮

圖在上曰帟四旁及上曰帷上下四旁悉周曰幄
 大帷也東宮舊事太子納妃用青布碧裏梁下幃各
 一紺絹青布窻戶幃各一

𦉳

古文帷

幃

幃

張也从巾長聲

知諒切

淮南道應訓齊伐楚市偷請為君行薄技乃夜解齊君
 之幃帳而獻之漢舊儀祭天有紺緹帳漢武故事
 雜錯天下珍寶為甲帳其次為乙帳甲以居神乙以自

居王隱晉書賜鄭袤沐帳簟褥 晉起居注馮純為散
騎常侍賜沐帳一具

張也者帳張聲相近顏注急就篇自上而下覆謂之
帳者張也釋名帳張也張施於床上也歸藏啓室

云昔者女媧氏張雲幕天官掌舍為帷宮注云張帷
為宮又幕人共其帷幕幄帟綬注云共之者掌次當

以張又掌次掌王次之法以待張事又內司服注云
以白縛為裏使之張顯釋文云張徐音帳成十六年

左傳張幕矣宋玉招菟羅博張些司馬相如美人賦

繡帳高張史記高帝紀復留止張飲三日注云張幃
帳也蓋鉄論今富者繡繡幃幃中者錦綈高張沈約

詠帳詩甲帳垂和璧螭雲張柱宮



帷在上曰幕覆食案亦曰幕以巾莫聲慕各切

廣雅幕帳也 釋名幕絡也在表之稱也 小尔雅廣

服覆帳謂之幄幕也 聘礼館人布幕于寢門外官

陳幣注云布幕以承幣疏云館人布幕於地官陳幣于

其工馥案幕人注云幕或在地展陳於上 三礼圖幕以布地或以陳上 莊二十八年左傳楚幕有烏注云幕帳也 昭十年左傳私具幄幕器用從者之衣屨穀梁傳齊人使優施舞於魯君之幕下注云幕帳 吳語就幕而會注云幕帳也 或作幕魏策其自幕繫也 完矣高云謂冒覆也 又通作莫史記廉頗藺相如列傳市租皆輸入莫府索隱云崔浩云古者出征為將帥軍還則罷理無常處以幕帟為府署故曰幕府則莫當

作幕字之誤也又李廣傳莫府省約文書籍事索隱云兵門合施帷帳故稱幕府古字通用遂作莫耳

帷在上曰幕者一切經音義引字林同天官冢宰叙官幕人云幕帷覆上者又注幕人云在旁曰帷在上曰幕 覆食案亦曰幕者御覽引覆上有蒙字廣雅幕覆也方言幕覆也家語問礼篇疏布以幕注云幕覆酒巾也

帟

帟裂也从巾兀聲

早履切

際裂也者集韻際裂帛急就篇帋敝囊橐不直錢顏
注帋者際殘之帛也

際

殘帛也从巾祭聲
先列切又所恂切

殘帛也者集韻際縷今時翦縷為華廣韻際縷桃花
今製綾花廣雅際餘也

愉

正帛裂也从巾俞聲
山樞切

正帛裂也者正疑作匹李肅本作縷帛裂也五音集
韻裂縷曰愉廣韻愉裁殘帛也類篇愉帛邊也漢製

以為閔門符信通作縷漢書終軍傳閔吏與軍縷蘇
林曰縷帛邊也舊閔出入皆以縷、還因裂縷頭合
以為符信也紀子裂縷字子帛

帖

帛書署也从巾占聲
他叶切

帛書署也者九經字樣作帛署書也本書檢書署也
廣韻帖券帖韻彙通典北齊武平以後聽人帖賣園
田通俗文題賦曰帖釋名書文書檢曰署、予也題
所予者官號也通鑑褚淵曰若帖以曉游亦為不以

馥謂署以駟騎將軍游擊將軍

帙 書衣也 从巾失聲 直質切

本書幪一曰帙裏書囊也 廣雅裏謂之裏 華佗別

傳佗以錦為書裏 裏 中有祕要之方 後漢書楊厚傳

吾緇裏中有先祖所傳祕記 拾遺記蘇秦張儀剝樹

皮編為書帙以盛天下良書 謝靈運書帙銘懷幽卷

曠戢妙抱蜜周舍以道舒卷不失亮惟勤玩無或暇逸

梁書昭明太子傳騰帙充積又太子詠書帙詩擢影

免園池抽莖淇水側幸雜湘囊用聊因班女織 晉中

興書傳元盛書有青縑裏布裏絹裏 晉中經簿盛書

有縑帙刺青縑帙布帙絹帙 益部耆舊傳廣漢王棠

妻文極其前妻子好寫書極嘗為手自作帙 唐馬懷

素校祕書矣朽蟬斷籤帙紛紜 唐兩都聚書其本有

正有副軸帶籤帙皆異色以別之 羣碎錄書曰帙者

古人書卷外必用帙藏之如今裏袂之類 齊民要術

有糊屏風書裏令不生蟲法

書衣也者廣韻帙書帙亦謂之書衣孔稚珪北山移文道帙長擯五臣云帙書衣也

𦘔 帙或从衣

𦘔 帙也从中肅聲 則前切

幡幟也者幡當為幡廣韻作幡幟當作識本書識常

也常謂旗常大戴禮王言為若天之司莫之能職荀

子作若天之嗣其事不可識又哀公問寡人蠢愚冥

頑子識之心也識小戴記作志註讀為識檀弓銘明

旌也以死者為不可別已故以其旗識之又云孔子

之喪公西赤為志焉注云志為章識月令以為旂章

注云旂章旂旂及章識也襄十年左傳舞師題以旌

夏注云旌夏大旌也題識也漢書王莽傳旌旂表識

是也徐鍇引國語戎車待游車之節廣雅節播也宣

十二年左傳前茅慮無杜注慮無如今軍行前有斥

候踰伏皆持以絳及白為幡見騎賊舉絳幡見步賊

舉白幡備慮有無也茅明也時楚以茅為旌識

徽

徽也

以絳

帛著於背

從聲

春秋傳曰揚

徽

者公徒許歸切

幟也者徐鍇韻譜作識本書卒衣有題識者祭徽幟
 信也廣雅徽幡也秋官大司馬中夏教芟舍辨號名
 之用帥以門名縣鄙各以其名家以號名鄉以州名
 野以邑名百官各象其事以辨軍之夜事鄭注號名
 者徽識所以相別也周礼司常掌九旂之物名各有屬
 注云物名者所畫異物則異名也屬謂徽識也禮記

聖人南面而治天下改正朔易服色殊徽號異器械
 齊策秦攻齊、使章子將而應之與秦交合而舍章
 子為變其徽章以雜秦軍高云徽幟名也鮑云徽章
 旌旗之屬公羊解詁王者受命必徙居處改正朔易
 服色殊徽號疏云其殊徽號者即明堂位云有虞氏
 之旂夏后氏之綏殷之大白周之大赤之屬是也漢
 書王莽傳殊徽幟顏注徽幟通謂旌旗之屬也後漢
 書魯恭傳其變者惟正朔服色犧牲徽號器械而已

注云徽號旌旗之名也魏都賦徽幟以變間居賦玄幟綠徽古今注信幡古之徽號也所以題表官號以為符信故謂為信幡也通作揮文選東京賦戎士介而揚揮薛綜注揮為肩工絳織如燕尾者也陳琳為袁紹檄豫州文揚素揮以啟降路李善注揮與徽古通用以絳徽帛箸於背者一切經音義以絳帛等書著背工曰徽詩六月織文鳥章箋云織徽幟也鳥章鳥隼之文章將帥以下衣皆著焉正義云今城門

僕射所被及亭長著絳衣皆其舊象也春秋傳曰揚徽者公徒者昭二十一年左傳文彼作徽杜注徽識也正義云徽識制如旌旗書其所任之官與姓名於上被之於背以備其死知是誰之尸也

幟

幟也从巾崇聲

方格切

幟也者韻會引字林幟幟也一切經音義幟頭上幟也所以相別也六書故引字詁幟幟也通俗文徽號曰幟私記曰幟廣雅幟幟也通作剽春官肆師祭之

日表蓋盛告絜注云故書表為剽：表皆謂徽識也
又通作標清異錄梁祖建火龍標晉書宣帝紀立兩
標以別新舊礼投壺司射請為勝者樹標漢畫象題
字隸續謂之標榜

帟 帟也 从巾 𠂔聲 於哀切

帟也者帟當為縹莊子天道篇於是縹十二經以說
老聃注云縹帟亂取之也玉篇縹冕也本書冕誤作
冕類篇縹縹縹風吹旗也馥謂冕即縹縹意

幡 書兒拭帟布也 从巾 番聲 甫煩切

書兒拭帟布也者帟當為帟通用帟字本書潁川人
名小兒所書寫為管集韵管籊籊也王觀國曰帟以
竹為之其形有方角所謂操帟者可持以書也史記
破帟為圓應劭曰帟八棱有隅者徐鍇曰帟八棱木
於上學書：已以布拭之趙宦光曰今滌巾曰幡布
增韻今人呼幡布內則所謂份悅是也急就篇急就
帟與衆異顏注帟者學書之績或以記事削木為之

蓋簡屬也孔子歎觚即此之謂其形或六面或八面
 皆可以書觚者稜也以有稜角故謂之觚班固兩都
 賦曰工觚稜而棲金爵今俗猶呼小兒學書簡為木
 觚章蓋古之遺語也西京雜記傳介子年十四好學
 書嘗棄觚而嘆文賦或探觚以率尔李善云觚木之方
 者古人用之以書猶今之簡也初學記古者以縑帛
 依書長短隨事截之名幡紙

斲

制也从巾刺聲盧達切

制也者刺當為拂玉篇幫拂也廣韻幫拂箸

幟

拭也从巾戠聲精廉切

拭也者本書無拭字幟或作攬渠韵攬拭也

幟

車弊兒从巾卑聲詩曰檀車幟昌善切

車弊兒者詩釋文引作車敝也詩曰檀車幟者

小雅秋社文傳云幟、敝兒韓詩作幟、本書緩偏

緩也

幟

蓋衣也从巾冢聲莫紅切

說文

解字

義證

卷之三

蓋衣也者廣韻幪幪蓋巾也廣雅幪巾也方言幪巾也高嶽之南陳頴之間謂之布亦謂之幪郭注巾主覆者故名幪也周書太子晉解若能幪予注云幪覆也尚書大傳下刑墨幪鄭注幪巾也使不得冠飾以恥之也字或作幪史記索隱引方言幪巾南楚之間云陌額也慎子有虞之誅以幪巾當墨秋林官司園凡言人者弗使冠飾注云弗使冠飾者著墨幪若古之象刑與隋書康國傳其妻有髻幪以皂巾通作蒙

哀十五年老左傳二人蒙衣而乘服虔曰蒙衣為婦人之服巾蒙其頭而共乘也孟子西子蒙不絮趙注蒙不絮以不絮汗巾帽而蒙其頭也白虎通墨者蒙巾也發、發蒙解悉漢書汲黯傳至說公孫弘等如發蒙耳淮南王安傳如發蒙耳晉灼曰如發去物上之蒙史記集解引韋昭曰如蒙巾發之甚易

幪

蓋幪也从巾莖聲一曰禪被莫結切

蓋幪也者一切經音義幪帔也方言襦褌謂之幪注

云即帔幘也。靚紫玉篇。幘巾幘廣韵。幘頭周武帝所製。裁幅巾出四脚以幘頭。

幘 覆也。从巾無聲。荒烏切

覆也者。廣雅同詩。斯干君子攸芋。箋云芋當作幘。覆也。君子之所覆。蓋士喪禮。幘用歛。注云幘覆也。士冠禮。周弁。殷冔。夏收。注云冔名出于幘。覆也。言所以自覆也。釋詁。幘有也。郭注引詩。遂幘。大東。馥按。詩作荒。亦奄覆之義。通作無。荀子禮篇。論無情絲葛。

綈。晏其頰。以象菲。惟時尉也。注云無讀為幘。覆也。

飭 取也。从巾从人。食聲。讀若式。一曰祿。飾。賞隻切

刷也者。本書。取拭也。拭當為飾。佩下云中。謂之飾。釋名。飾。拭也。物穢者。拭其工。使明。由他物而後明。猶加文於質上。也。地官。封人。凡祭祀。飾其牛牲。注云。飾。謂刷治潔清之也。內則。父母唾洩。不見。注云。輒刷去之。宣十二年。左傳。御下。兩馬。杜云。兩飾也。正義云。飾。馬者。謂隨宜刷刮焉。漢書。賈誼傳。篋篋不飾。司馬徽別傳。

劉琮使左右問徽存亡徽鉏園左右問司馬君徽曰
我是問者罵曰何等田奴而稱司馬君徽更刷頭飾
服而出左右叩頭謝之 从巾从人食聲者疑此與
虫部蝕字並从食 一曰祿飾者本書祿飾也急就
篇祿飾刻畫無等双顏注祿飾盛服飾也漢書外戚
傳祿飾將醫往問疾王后傳莽建世子祿飾顏注首
飾在兩耳後刻鏤為之

幃
囊也从巾韋聲 許歸切

內則男女未冠笄者總角於纓皆佩容臭 思元賦縞

幽蘭之秋華兮李善云說文曰縞幃一名縞尔

雅曰婦人之幃謂之縞今之香囊在男曰幃在女曰縞

然則縞者即縞囊之縞也 通作幃詩東山傳云縞婦

人之縞也釋器婦人之縞謂之縞

囊也者玉篇幃香囊也楚辭椒又欲充夫佩幃王注

幃香囊也繁欽定情詩何以致叩之香囊繫肘後晉

書謝元少好佩紫羅香囊劉義七啟承賜金縷琥珀

茱萸囊通鑑蕭寅遣人殺王山沙於路吏人於麝膝中得其事注云囊可帶者曰勝以盛麝香故曰麝勝猶今之香袋

𦘒

囊也今鹽官三斛為一𦘒从巾弄聲

囊也者廣雅同集韻囊有底曰𦘒今鹽官三斛為

一𦘒者廣韻二石為一𦘒

帚

糞也从又持巾掃門內古者少康初作箕帚秣酒

少康杜康也糞長垣

支手切

糞也者李善注王景元詩引同玉篇帚掃除糞穢也

急就篇篋箕帚筐篋篋顏注箕可以簸揚及去糞

帚所以掃刷少儀拚席不以鬣注云鬣謂帚也王隱

晉書庾衮刈荆苕為箕帚或兄女曰灑掃庭內婦人

道也古者少康云之者世本少康作箕帚本書酒

字云杜康作林酒顏注急就篇古杜康作箕帚文選

魏武帝詩何以解憂憂惟有杜康李善云王著與杜康

絕交書曰康字仲寧或云黃帝時罕人號酒泉太守

席藉也礼天子諸侯席有黼黻純飾从巾庶省

祥易切

釋名席釋也可卷可釋也馥謂漢書賈誼傳席卷天下

文王世子遠近間三席可以間注云席廣之制廣三尺

三寸三分 張嚴席賦席為冬設簟為夏施 高士傳

老萊子投木為牀著艾為席 汝南先賢傳鄭欽以茅

葭為席常隨祀柳之陰

藉也者本書藉祭藉也荐薦席也廣韻席薦席增韻

豪藉而薦莞蒲曰席 礼天子諸侯席有黼黻純飾

者春官司几筵凡大朝覲大饗射設莞筵紛純加縹

席畫純加次席黼純諸侯祭祀蒲筵績純加莞席紛

純書顧命篋席黼純底席綴純豐席純畫荀席元紛

純轉庶省者徐鍇本作庶省聲馥案席庶乃去入兩

聲轉細

𠄎

古文席从石省

从石省者誤也文當為𠄎廣雅𠄎席也本書𠄎古文

作𠄎云竹上皮盖用竹皮為席也

勝

囊也从巾勝聲徒登切

方言勝儻也注云今江東呼儻兩頭有物為勝 趙策

羸勝負書擔囊囊蜀都賦羸金所過劉注羸勝也

囊也者後漢書注引同一切經音義勝謂通徹囊也

宋書南郡王義宣傳勝囊盛糧漢書外戚傳中黃門

田客持詔記盛綠絺方底顏注方底盛書囊形若今

之箕勝耳唐書馬懷素傳是時文籍盈漫籤勝紛舛

通作勝後漢書儒林傳競共割散其縑帛圖書大則

連為帷蓋小乃制為勝囊注云勝亦勝也

幡

以囊盛穀太滿而裂也从巾奮聲方吻切

以囊盛穀太滿而裂也者而玉篇作墀賈誼書周諺

囊漏貯中通作憤大學一人積事左傳張脈憤興

幘

載米斛也从巾盾聲讀若易屯卦之屯陔倫切

載米斛也者本書斲幘也所以載盛米廣雅幘斲也

廣韻布貯曰幘

幅

蒲席斲也从巾及聲讀若蛤古香切

蒲席節也者本書番餅屬蒲器也所以成種餅板也
在林以為竹管揚雄以為蒲器玉篇板以席載穀

幘

馬纏鑣扇汗也以巾貫聲詩曰朱幘鑣

符分切

馬纏鑣汗扇也者續漢書輿服志乘輿插翟象鑣赤

扇汗 詩曰朱幘鑣、者衛風碩人文傳云幘飾也

入君以朱纏鑣扇汗且以為飾釋文云馬銜外鐵也

一名扇汗又名排沫

幘

埤地以巾攪之从巾夔聲讀若水溫 韞也 箸也

乃昆切

埤地以巾攪之者集韻幘以布拭埤也徐鍇曰漢制

以彤漆涂地曰丹埤以黑漆涂地曰元埤攪拭故汗

以巾拭之也通作獲漢書揚雄傳獲人亡則匠石鞞

斤而不敢忘斲服虔曰獲古之善涂堅者也顏注堅

即今之仰泥也獲拭也故謂涂者為獲人 讀若

水溫 韞者本書韞安 韞溫也奴案切顏注漢書獲音

乃高反又乃廻反案韻奴力切又奴回切與本書音

異 一曰箸也者廣韻幘塗著也

𡇗 金幣所藏也从巾奴聲乃部切

周禮頒其貨於受藏之府 僖二十四年左傳晉侯之

豎頭須守藏者也 月令季春命有司開府庫出幣帛

聘名士 東觀漢記更始至長安御府帑藏武庫皆安

堵如故 齊職儀後漢中藏府令丞掌幣帛金銀 六

典右藏令掌邦國寶貨之事凡四方所獻金玉珠貝玩

好之物皆藏之

金幣所藏也者後漢書注引同又引作金布又引作

金帛御覽引作金帛初學記引作金布一切經音義

引作金幣所藏之府也玉篇帑金布所藏之府通俗

文庫藏曰帑字書帑金帛所藏舍也漢書匈奴傳虛

費府帑顏注帑藏金帛之所也後漢書桓帝紀嘉禾

生大司農帑藏鄭弘傳人食不足而帑藏殿積鄧訓

傳轉運之費空竭府帑 奴聲者五經文字帑說文

乃故反字林音儺馥案周成難字音蕩字書音它罔

反地官掌節之英蕩輔之杜子春云蕩當為帑謂以

函器盛此節

帛

帛織也从巾文聲

博改切

釋名布之也布列衆縷為經以緯橫成之也又太古衣皮女工之始於是施布其法使民盡用之也小尔雅廣服麻苧葛曰布之通名也鄭注鄉射記云今官布幅廣二尺二寸

帛織也者范子計然曰古者庶人老羞而後衣絲其餘則麻帛而已故曰布衣

幪

南郡蠻夷賣布从巾冢聲

古詩切

南郡蠻夷賣布者後漢書注引作南蠻夷布也冢字記引作南郡蠻夷布也漢志南郡夷道有蠻夷曰道風俗通槃瓠之後輸布一匹二丈是謂賣布廩君之巴氏出幪布八丈文選魏都賦賣幪積瑞五匹云幪布也後漢書巴郡南郡蠻傳其民戶出幪布八丈二尺冢字記秦惠王并巴中以巴氏為蠻夷君長其人戶出幪布八丈二尺

𦉳

布出東萊从巾彳聲胡田切

布出東萊者徐鍇本有𦉳縣在東萊五字案漢志東萊郡有𦉳縣顏音堅或作𦉳廣韻𦉳縣名在東萊集韻𦉳布名出東萊𦉳𦉳

𦉴

𦉴布也一曰車上衡衣从巾彳聲讀若項莫卜切

𦉴布也者猶今之油布可以禦雨一曰車上衡衣者當云車衡上衣集韻車衡上衣謂之𦉴案衡衣所以遮蓋曲轅𦉴縛也玉篇𦉴覆車衡衣也廣韻𦉴轅

上絲也論語在輿則見其倚於衡也續漢志小使車

赤屏泥油漢書黃霸傳別駕玉簿車緹油屏泥於軾

前

𦉵

𦉵布也从巾辟聲禮周曰駝車犬辟莫狄切

𦉵布也者用以覆車𦉵五經文字𦉵車覆𦉵也急就篇草鞮𦉵漆油黑蒼顏注草鞮重草之𦉵所以覆車𦉵也𦉵漆者以漆之油者以油之皆所以為光色而御塵泥其色或黑或蒼故云黑蒼也荀子禮論

篇蛟韜絲未弥龍所以養威也注云未與帟同絲帟
 盖織絲為帟昭二十五年公羊傳以帟為席何云帟
 車覆笭疏云笭即式也但車式以笭為之有豎者有
 橫者故考工記注云鞞式之植者橫者也禮君羔帟
 虎植大夫士鹿帟約植者是也少儀僕者右帶劔負
 良綬申之面純諸帟注云帟覆笭也負之由左肩上
 入右腋下申之於前覆笭上也詩韓奕鞞鞞後幘傳
 云幘覆式也正義云幘字禮記作帟周礼作禊字異

而義同管子小稱篇乃援素幘以裏首而絕注云幘
 所以覆軫也天戴礼三本篇大路車之素幘也曲
 礼素葢注云葢覆笭也釋文云葢本又作幘 周礼
 曰駟車犬帟者春官巾車文被云王之喪車五乘木
 車蒲蔽犬禊尾橐疏飾素車芬蔽犬禊素飾藻車藻
 蔽鹿淺禊飾駟車翟蔽然禊髮飾漆車藩蔽紆禊雀
 飾與本書所引不同先鄭云犬禊以犬皮為覆笭後
 鄭云故書駟作龍髮為軟杜子春云龍讀為駟軟讀

為泰坳之坳直謂聚泰也馥案既夕禮主人乘惡車
白狗帟既夕記帟覆笭也以狗皮為之取其臙也巾
車木車犬禊注云以犬皮為覆笭

帟

領端也及巾取聲

領端也者廣韻引作衣領端也玉篇同

又六十二 重八

市

鞞也工古衣蔽前而已市以象之天子朱市諸侯

赤市大夫蔥衡以巾象連帶之形凡市之屬皆从

市 分切

本書被下云一日蔽邾滌下云杜林說朱亦朱市字

秦方士徐市今誤為市井之市 易困卦朱鼓方朱利

用享祀豐卦豐其沛釋文鄭干作載云祭祀之蔽膝

鄭注玉藻蔽之言蔽也 後漢輿服志古者君臣佩玉

尊卑有度上下有數貴賤有殊佩所以章德服之衷也

數所以執事禮之共也 後漢書班固傳蔽冕所興注

云蒼頡篇曰蔽綴也馥案本書綴蔽維也 魏志挹婁

說文解字集註 卷三十一
在扶餘東北處山林之間常穴居夏則裸袒以大布隱其前後也馥謂此市之遺象

鞞也上古衣蔽前而已市以象之者本書鞞鞞也所以蔽前以韋下廣二尺上廣一尺其頸五寸廣雅鞞謂之鞞急就篇鞞衣蔽膝布毋縛顏注蔽膝者於衣裳上著之以蔽前也一名鞞又名鞞亦謂之旂明堂位有虞氏服鞞夏后氏山鞞火周龍章注云鞞冕服之鞞也舜始作之以尊祭服禹湯至周增以畫文後

王弥飾也天子備焉諸侯火而下卿大夫山士韎韋而已漢書王莽傳受綠鞞衮冕衣裳顏注此鞞謂蔽膝也或謂鞞鞞徐廣車服儀制古者鞞如今蔽膝戰國連兵以鞞非兵飾去之漢明帝復制鞞天子亦皮蔽膝蔽膝古鞞也環齊要畧凡鞞以韋為之以象裳色湯增以畫文夏山取仁可依鞞火取其光明周龍章取其變化通作鞞桓二年左傳衮冕鞞珽杜云鞞韋鞞以蔽膝也正義云鞞鞞制同而名異冕服謂之

芾其他服謂之鞞以韋為之故云鞞韋鞞也經傳作鞞或作鞞或作鞞音義同也後世用絲故字或有為絃者易乾鑿度孔子曰絃者所以別尊卑彰有德也故朱赤者盛色也是以聖人法以為絃服欲百世不易也鄭注古者田漁而食因衣其皮先知蔽前後知蔽後之玉易之以布帛而猶存其蔽前者重古道不忘本也或作芾詩采芾赤芾在股箋云芾太古蔽膝之象也冕服謂之芾其他服謂之鞞以韋為之其制

上廣一尺下廣二尺長三尺其頸五寸肩革帶博二寸士冠禮士服皮弁元端皆服鞞大戴禮公冠篇公玄端與皮弁皆鞞天子朱市諸侯赤市大夫蔥衡者玉藻鞞天子朱又云三命赤鞞蔥衡詩朱芾斯皇箋箋云芾者天子純朱諸侯黃朱侯人三百赤芾傳云芾鞞也一命緇芾黝珩再命赤芾黝珩三命赤市蔥珩大夫以上赤芾乘軒通作緋白虎通緋者何謂也緋者蔽也行以蔽前緋蔽者小有事因以別尊卑彰

有德也天子朱紼諸侯赤紼詩云朱紼斯皇室家君
王又赤紼金烏會同有繹又云赤紼在股皆謂諸侯
也書曰黼衣黃朱紼亦謂諸侯也並見衣服之制
故遠別之謂黃朱亦赤矣大夫葱衡別於君矣天子
夫大赤紼葱衡士黼黻朱赤者盛色也是以聖人塗
法之用為紼服為百王不易也

鞅

篆文市从韋从反

鞅

士無市有鞅制如楛缺四角爵弁服其色黼賤不

得與裳同司農曰裳練色从市合聲 古洽切

士無市有鞅制如楛缺四角者骨書音義引字林鞅
士服制如楛四角疑脫缺字士冠禮爵弁服纁裳純
衣緇帶鞅鞅注云鞅鞅緇鞅也士緇鞅而幽衡詩瞻
彼洛矣鞅鞅有與傳云所以代鞅也箋云鞅鞅祭服
之鞅合韋為之其服爵弁服紵衣纁裳也正義云士
朝服謂之鞅祭服謂之鞅鞅駁異義云有鞅鞅無鞅
有鞅無鞅鞅是鞅鞅必代鞅也裴注魏志云太祖以

天下凶荒資財之置擬古皮弁裁纁帛以為衿合乎
 簡易隨時之義以色別其貴賤本施軍飾以為國容
 爵弁服其色黹賤不得與裳同者黹賤當為黹淺一
 入為黹故曰淺裳纁色三入也 司農曰裳纁色者
 類篇所引司農上有鄭字案本書於前人惟賈逵稱
 官尊師也今稱司農疑後人所加

衿

衿或从章

文二

重二

帛

帛 繒也 从巾白聲 凡帛之屬皆从帛

旁陌切

繒也者顏注急就篇帛總言諸繒也聘禮受享束帛

壁

加壁注云帛今之壁色繒也

錦

衾色織文从帛金聲

居飲切

急就篇錦繡縵純離雲爵顏注錦織絲為文也 詩碩

人衣錦裝衣傳云錦文衣也 卷伯姜兮斐兮成是具

貝

錦傳云萋斐文章相錯也具錦之文也 拾遺記員嶠

山有冰蠶霜覆之然後成繭其色五采後代效之染五

色絲織以為錦 鄴中記錦有大登高小登高大明光
小明光大博山小博山大茱萸小茱萸大交龍小交龍
蒲桃文錦斑文錦鳳皇朱雀錦韜文錦桃核文錦或青
緋或白緋或黃緋或綠緋或紫緋或蜀緋工巧百數不
可盡名也通鑑梁敕織官文錦不得為仙人鳥獸之形
為其裁翦有乖仁恕

襄邑織文者小字本作襄邑集韻類篇御覽並同漢
志陳留郡襄邑縣有服官陳留屬禹貢兗州故書曰

厥篚織文傳云織文錦綺之屬正義云漢世陳留襄
邑縣置服官使制作衣服是兗州綾錦莢也范子計
然錦大文出陳留左思魏都賦襄邑錦繡陳留風俗
傳襄邑縣南有渙水北有睢水傳曰睢渙之間出文
章故有黼黻藻錦日月華虫以章天子郊廟御服論
衡程材篇襄邑俗織錦鈍婦無不巧日見之日為之
手狎也曹洪與子桓書游睢渙者學藻績之綵任昉
述異記睢渙二水波文皆若五色其地多文章故名

續水董巴輿服志虎賁騎衣虎文單衣襄邑歲獻織成虎文又云三公諸侯用山龍九章九卿以下用華虫七章皆五采刺史公卿九卿以下皆織成襄邑獻之南齊書輿服志衮衣漢世出陳留襄邑所織禹貢厥篚織貝鄭注貝錦名凡為織者先染其絲乃織之則文成矣禮記曰士不衣織

文二

白

西方色也陰用事物色白从入合二陰數凡白

之屬皆从白

旁陌切

西方色也者釋名白啓也如水啓時色也抱朴子五行為白春官大司馬以白琥禮西方考工記畫績之事西方謂之白

白

古文白

徐鍇韻譜作白汗簡引作白

皎

月之白也從白交聲詩曰月出皎兮

古了切

月之白也者廣韻皎月光廣雅皎白也詩曰月出皎

今者陳風月出文傳云皎月光也

曉

日之白也从白堯聲呼鳥切

日之白也者纂文曉日白也通作皎王褒九懷晞白日兮皎又通作皦詩有如皦日傳云皦白也

皙

人色白也从白析聲先擊切

人色白也者廣雅皙白也詩君子偕老揚且之皙也傳云皙白皙衰十七年左傳澤門之皙杜云皇國父白皙而居近澤門定九年傳皙幘注云皙白也昭二

十六年傳有君子白皙漢書霍光傳白皙顏注皙絜

白也古樂府為人顏白皙吳錄滕元為人白皙史記

尼弟子列傳狄黑字皙陳啟源曰左傳澤門之皙與

黔對聖門曾黔楚公子黑肱鄭公孫黑皆字子皙各

與名反俱取白皙之義通作析地官司徒其民析而

瘠注云析白也通志氏族畧黑背字子析

皤

老人白也从白番聲易曰賁如皤如薄波切

老人白也者周易釋文選注後漢注書並引作老

人兒御覽引作老人色也本書老言頽髮變白也顛

白兒南山四顛白首人也一切經音義引字林皤白

也漢書叙傳營平皤、顏注皤、白髮兒也後漢書

班固傳皤、國老樊準傳故朝多皤、之良注云皤

皤白首兒也左思白髮賦皤、榮期皓首角里邈作

皤史記秦本紀古之人謀黃髮皤、則無所過正義

云皤當作皤白頭兒 易曰賁如皤如者賁卦文

皤

皤或从頁

皤

鳥之白也从白隹聲 胡沃切

鳥之白也者本書鷩鳥白肥澤兒引詩白鳥鷩、何

晏景福殿賦皤、白鳥或作皤廣雅皤、白也太元

內次七皤頭注云白而不純謂之皤

皤

霜雪之白也从白豈聲 五來切

霜雪之白也者集韻類篇並引作霜雪之兒也漢書

注後漢書注文選注同徐鍇韻譜皤霜雪兒廣韻皤

霜雪白兒廣雅皤白也孟子白雪之白北征賦涉積

雪之皚今劉歆遂初賦漂積雪之皚今涉凝露之隆霜劉楨贈五官中郎將詩霜氣何皚今

皚

艸萼之白也从白巴聲普巴切

艸萼之白也者本書葩萼也皚草木白萼也

皚

玉石之白从白敦聲古了切

玉石之白也者玉篇皚珠玉白兒孟子白玉之白

崇

際見之白也从白上下小見起戟切

際見之白也者本書隙壁際孔也際壁會也玉篇崇

壁際見白也 上下小見者徐鍇本作上下小見之

錯曰際見若門壁之隙縫皚徹工下見之但見小爾

晶

顯也从三白讀若皎烏皎切

顯也者顯當為晶纂文通白曰晶廣雅晶白也陶潛

詩晶々川上平潘岳閑中詩虛晶滴德李善引蒼頡

篇晶明也射雉賦望縻合而翳晶徐注唯翳晶然獨

顯

𦘔

敗衣也从巾象衣敗之形凡𦘔之屬皆从𦘔

𦘔 際切

敗衣也者集韻𦘔衣壞兒廣雅𦘔敗也

𦘔

𦘔也一曰敗衣从支𦘔亦聲

𦘔 際切

汗簡𦘔下云見說文

𦘔

𦘔也者當為𦘔所以𦘔前一曰敗衣者急就篇

𦘔𦘔囊橐不直錢顏注𦘔敗衣也詩鄭風緇衣之且

兮𦘔予又改為兮論語衣𦘔緼袍又云𦘔之而無𦘔

禮緇衣苟有衣必見其𦘔注云𦘔敗衣也

文二

𦘔

𦘔縷所𦘔衣从𦘔𦘔省凡𦘔之屬皆从𦘔

𦘔 際切

𦘔縷所𦘔衣者本書𦘔綴衣𦘔也縷袂衣也釋名𦘔

𦘔也𦘔當作𦘔釋言𦘔𦘔也郭云今人呼縫𦘔衣

為𦘔書益稷𦘔𦘔鄭注𦘔讀為𦘔𦘔也謂刺也又

注天傳引作𦘔𦘔注周禮司服引作𦘔𦘔云𦘔讀為𦘔

或作𦘔字之誤也馥案當云𦘔讀為𦘔或作𦘔字

之誤也詩采芣箋云𦘔𦘔謂𦘔衣也正義云𦘔謂刺

之言此黼黻刺之於衣

黼

合五采鮮色以黼盧聲詩曰衣裳黼
切 創舉

合五采鮮色者詩釋文引作會五綵鮮色也廣韻引
作會五綵鮮兒書益稷作會傳會云五采也以五采
成此畫焉通作楚秦策不韋使楚服而見高云楚服
盛服漢何太后謂何進曰先帝新棄天下我奈何楚
楚與士人共對事乎 詩曰衣裳黼者曹風蟋蟀
文彼作楚、傳云楚、鮮明兒

黻

白與黑相次文以黻甫聲
方集切

白與黑相次文者釋言黼黻彰也郭云黼文如斧黻
文如兩已相背釋器斧謂之黼郭云黼文畫斧形因
名云書益稷藻火粉米黼黻絺繡傳云黼若斧形黻
為兩已相背正義云半白半黑似斧刃白而身黑黻
刺為兩已字以青黑線繡也詩采芣玄衮及黼傳云
白與黑謂之黼又玉文常服黼呼傳云黼白與黑也
桓二年左傳火龍黼黻杜云白與黑謂之黼形若斧

黑與青謂之黻兩已相戾天官典絲凡祭祀共黼畫
組就之物注云白與黑謂之黼春官司几筵王位設
黼依注云斧謂之黼其緇白黑采以絳帛為質考工
記畫績之事白與黑謂之黼月令命婦官染采黼黻
又章家語五帝德篇作為黼黻注云白與黑謂之黼
若斧文黑與青謂之黻若兩已相戾荀子哀公論黼
衣黻裳者不如葷注云白與黑為黼黑與青為黻非
相為觀人以言美於黼黻文章注云白與黑謂之黼

黑與青謂之黻呂氏春秋六月紀黼黻文章注云白
與黑謂之黼淮南說林訓黼黻之美在於杼軸注云
白與黑為黼時則訓命婦官染采黼黻文章青黃白
黑莫不質良注云白與黑為黼說苑士服黻大夫黼
諸侯火天子山龍德彌盛者文弥縟中弥理者文弥
章也漢書禮樂志黼黻周張顏注白與黑畫為斧形
謂之黼賈誼傳美者黼黻顏注黼者織為斧形黻者
刺為衆文五經要義侯諸黼表以誓田雜羔狐為黼

文也增韻白西方之色黑北方之色西北白黑之交
乾陽位馬剛健能斷故畫斧以白黑為文馥案覲禮
天子設斧依於戶牖之間鄭云有繡斧文所以示威
也檀弓加斧於椁上注云斧謂之繡白黑文也是朝
覲喪葬皆用斧文也

𦣻

黑與青相次文从青友聲

分勿切

黑與青相次文者詩終南黻衣繡裳傳云黑與青謂
之黻考工記畫績之事黑與青謂之繡漢書韋賢傳

黻衣朱紱繡衣畫為斧形而白與黑為彩也朱紱為
朱裳畫為亞文也亞古弗字也故因謂之紱字又作
黻其音同聲馥據此知兩已之誤也高注呂氏春秋
六月紀云黑與赤謂之黻又注淮南時則訓云白與
黑為繡青與赤為黻黑與赤為文青與白為章

𦣻

會五采繡色从青紱聲

子對切

會五采繡色者繡通作萃易萃卦象曰萃聚也齊語
會夫士羣萃而州處又通作紱史記司馬相如傳紱

雲蓋而樹華旗注云絳蓋有五綵也 絳省聲本書

無絳字



衮衣山龍萼蟲粉畫粉也从耂从粉省衛宏說方吻切

衮衣山龍萼蟲者周禮司服注云玄謂書曰予欲觀

古人之象日月星辰山龍萼蟲作績宗彛蒸火粉米

黼黻希繡此古天子冕服十二章舜欲觀焉又云九

章初一日龍次二曰山次三曰華蟲次四曰火次五

宗曰彛皆畫以為績次六曰藻次七曰粉米次八曰

黼次九曰黻皆希以為繡 粉畫粉也者廣韻粉綵

文玉篇粉綵也春官司几筵設莞筵紛純鄭司農云

紛讀為和粉之粉謂白繡也

文六

